



PORTA-VOZ
V GOVERNUNU
KONSTITUSIONÁL



KOMUNIKADU
BA MEDIA

Loron 2 fulan-fevereiru tinan 2015
Dili, Timor-Leste

Primeiro-Ministro no Presidente da República hala'ó sorumutu atu diskuti kona-ba Reestruturasaun Governu nian

Primeiro-Ministro [Primeiru-Ministru], Kay Rala Xanana Gusmão, no Presidente da República [Prezidente Repúblika] Taur Matan Ruak, hala'ó sorumutu ohin loraik ne'e, iha tuku tolu lorokraik, atu diskuti kona-ba proposta reestruturasaun husi V Governo Constitucional [Governu Konstitusionál da-V].

Konsulta prezidensiál sira kona-ba reestruturasaun Governu nian sei hala'ó durante semana ida ne'e nia laran.

Iha tempu hirak liu ba ne'ebé Primeiru-Ministru Xanana Gusmão fó sai tiha ona kona-ba reestruturasaun ida boot hosi Governu, hodi esplika katak objetivu mak atu forma Ezekutivu ida eficiente no efikáz, ne'ebé foka liu ba-ihá alkansa prestasaun servisu nian ida ne'ebé di'ak liu no fó fali kbiit foun ba Governu atubele aselera implementasaun ba Planu Estratéjiku Dezenvolvimentu nian.

Ba ida ne'e, tenki integra ema ne'ebé mak iha kualifikasaun aas tebes no iha kapasidade atu serbi, iha kompeténsia no esperiénsia ne'ebé significativu ba Governu. Sei hamenus ezekutivu, atu nune'e forma grupu ida ne'ebé eficiente no funsióal liu, hodi haree liu ba-ihá rezultadu sira, nune'e fó mós biban ba líder husi jersaun foun sira ne'ebé bele kontribui ba Nasaun.

Sei hato'ó tan deklarasaun hirak seluk bainhira Prezidente Repúblika no Primeiru-Ministru iha deklarasaun ofisiál sira kona-ba Reestruturasaun Governu nian.**REMATA**



Ágio Pereira
+670 7723 0011
agio.pereira@cdm.gov.tl
govtlmedia@gmail.com
www.timor-leste.gov.tl